



Шочмо эл, порылык да чын верч!

БУДЬ ГОТОВ /

43-шо (3743) №,
2025 ий 31 октябрь,
кугарня



0+

1933 ий 1 февраль годсек лектеш.



Шүмбел Марий кундем



Мирослава КОРОЛЕВА.
Советский посёлок.



Мирон ЧЕМЕКОВ.
У Торъял, Немда.

Марий Элем – мотор элем,
Улат эн шерге мыланем.
Кеч-куш касм – ом керт монден,
Эре шынет тый ушышкем.
Ужар чодыра, мёран төр олык,
Шырган лозанше той пасу,
Кожмак пашалан марий калык –
Чылажат лишыл, эн асу!
Марий Элем – шүмбел кундем!
Моткочак тыйым йоратем.
Пайрем вашеш моктеммурем
Шүм воштак лекшым пöлеклем!
Марий Элем, вуем савен,
Ал кумыл нöлтын тыланем:
Волгалт, тўзлане, шуаралт,
Эреак лийже тылат чап!

Захар ВАСИЛЬЕВ.
Волжский, Пöтъял.

Конкурсн
пурмыш
паша-влак.



Илья СЕРГЕЕВ.
Курыкмарий, Йошкар-Ола.

«Мыйын
калык вургем»



Амира МАТВЕЕВА.
Йошкар-Ола.

«Марий үдыр – сылне үдыр»



25 октябрыште Тошто Йүледүр тўвыра пўртыштў «Марий үдыр – сылне үдыр» районысо конкурс эртаралтын. Вич чолга үдыр (снимкыште) мастарлыкшым ончыктен. Тушко мыят ушненам. Участник-влак моторлыкшым, уш-акылыштым, сценыште шкем кучен моштымыштым устан почын пуэныт. Конкурсым иктешлымеке, Гран-прим Кристина Шапкина сенен налын. Моло үдыр-влакым тўрлў тагасыште диплом дене палемденит. Мыланем «Марий үдыр – тале

үдыр» лўмым пуэныт. Икымше верым налын омыл гынат, тўнжў – ушненам. Тидын дене кугешнем! Чолга ен-влак дене вашлийынам да шуко ум пален налынам. Интернет йўклымаште шуко йўкым погенам. Мыланем йўклышў кажне енлан таум ойлем. Польш да тўткыш моткоч шергакан улыт. Тек тыгай конкурс чўкыдынак эртаралтеш. Тунам марий үдырын лўмжў эре кўшнў лиеш.

Анна АНДРЕЕВА.
Кужэнер, Тошто Йүледүр.
Фотом еш архив гыч налме.

Российысе увер

«Открывай страну» всероссийский конкурс – шочмо кундемым шымлаш, походыш миен толаш, пўртўс деке лишкырак лияш сай йўн. Командым погыман да йодмашым колтыман. Тўрыс увер – projects.pervue.ru сайтыште.

8-11-ше класслаште тунемше-влак финанс дене шинчымашыштым «Финатлон для старшеклассников» олимпиадыште терген кертыт. Йодмашым 21 декабрь марте вучат. Кумданрак postupi.online сайтыште лудса.

«Российская школьная весна» всероссийский фестивалыште усталыкдам тергаш кумылда уло гын, моштымыдам видеош войзен, проектн школысо йыжынгышкыже ушныза. Тидым 12 январь марте ыштыман.

Марий Элысе увер

16 ноябрыште Йошкар-Оласе Самырык-влак полатыште «Наследие» шуко жанран всероссийский калык усталык фестиваль-конкурс эртаралтеш. «Хореографическое искусство» ден «Театр моды» тагас-влак лийыт. Йодмашым 10 ноябрь марте колтыман.

5-10 ияш үдыр-рвезе-влак, «ПАПАМАМАния» республикысе сўрет конкурс лач тыланда. Ача-авадам йўратымыдам сўрет гоч ончыктыза. Пашам Республикысе йоча да самырык-влаклан В.Колумб лўмеш книгагудыш 16 ноябрь марте колтыман.

Т.Евсеев лўмеш Калыкле тоштер 3 ноябрыште «Сымыктыш йўд» акцияш ўжеш. Ты радамыште ятыр мероприятий лиеш. Тушко кумылан кажне ен ушнен кертеш.



Пырля куштена

Йочасадыш коштмем годым «Весёлые нотки» ансамбль (снимкыште) нерген пален налынам. Ыдыр-рвезе-влакын куштымыштым куанен онченам. Мыят сценыште шкем ўшанлын кучаш кумылангынам. Шонымашем шукталтын. Икмыняр жап гыч ансамблыш йолташем-влак да

шольым ушненыт. Ме репетицияш куанен коштына. Кажне гана у куштымашым тунемына. Концертлам ончыктена, тўрлў курсышто вийнам тергена.

Эрвина ЗОЛОТАРЁВА.
Параньга, Кугу Пумарий.
Фотом ансамблын архивше гыч налме.

Эн шерге да пагалыме



Икымше гана парт коклашке шичме пагытым нигунам мондаш ок лий. Тыгодым йочан илышыштыже у йыжын тўна-леш. Тиде татым мыят порын шарнем. Моткоч тургыжланенам гынат, кумылем нўлт-шў лийын. Тыгай шижмашым икымше туныктышем ылыжтен

моштен. Поро шинчаончалтышан, ныжылге койыш-шоктышан туныктышо шокшо шомак дене мемнам вашлийын. Тиде Надежда Геннадьевна Никифорова (снимкыште). Ныл ий жапыште мемнам шке икшывыж семын пагален, йўратен. Туддеч кеч-кунам полышым, канашым йодаш лийын. Мемнан сенымашлан пырля йывыртен, нелылыкым иквереш эрташ полшен. Каникул жапыште тўрлў вере экскурсий дене коштыктен. Надежда Геннадьевна мемнам эре ончыкылык илышлан ямдылен. Икте-весе дене келшаш, полшаш, шкем арун кучаш туныктен.

Кызыт визымше классыште тунемам. Н.Г.Никифорован канашыжым ўмыр мучко шарнаш тўналам. Илыш корнышто ятыр туныктышо вашлиялтеш. Но икымше туныктышо поснак шерге да пагалыме.

*Полина ВАСИЛЬЕВА.
Волжский, Пўтмўял школ пеленысе
Йоча ўсталык пўрт.
Фотом еш архив гыч налме.*

Йылме – поянлык

Ме Марий Элыште илена. Шочмо йылмына – марий йылме. Тудо марий енлан шерге, сылне лийшаш. Моло йылме семынак марий йылмат тўням умылаш полша, илаш туныкта. Ушан айдеме каласен

коден: «Шочмо йылмым йўратымаш – тиде Шочмо элым йўратымаш дене иктак». Шочмо йылме – калыкын эн шерге поянлыкше.

*Александра ВАСИЛЬЕВА.
Морко, Коркатово.*

Чодыран йолташыже

Ме, 2-шо классыште тунемше-влак, «Друзья леса» кружокыш коштына. Тудым икымше туныктышына Татьяна Анатольевна Конакова вуйлата. Тудо пўртўсым йўраташ да аралаш кумыланда. Ик занятийште понго-влак нерген кутыренна, группо дене пашам ыштенна. Каныш кечын уло еш дене понгым погаш миенна. Чодыраште куэвапкам, курезым да синяпкам муынна (снимкыште). Вара классыште понгым погым нерген фотоончерым келыштаренна.

*Костя ТАЊЫГИН.
Шернур, Кукнур.
Фотом еш архив гыч налме.*



4 ноябрь –

Калык-влакын икоян
улмо кечышт.

Калык тўрлў –
Шочмо эл икте!

Келшымаште – вий

Кумда Российын тўн поянлыкше – тўрлў национальностян калыкше. Кеч-кўат – руш але марий, татар але чуваш, мордва але удмурт – келшен, йыр улшо тўням, чыла чонаным аклен, пагален да арален ила гын, Шочмо элна икоян да виян лиеш. Марий Элыштат тўрлў калык ваш умылен ила. Нуно койыш-шоктыш, йылме, йўла, тўвыра дене ойыртемалтыт гынат, пырля пашам ыштат, пайремышке ушнат. Икте-весе кокласе келшымашым тукум гыч тукумыш шуят. Тиде огыл мо мемнан вийна да ойыртемалтше койышна?!

*Арина ГРИГОРЬЕВА.
Медведево, Новотроицк.*

Шочмо верем


Кузе ом мокталте
Шке шочмо верем?!
Нигунам ом кудалте
Марий кундемем.

Чыла тыште сылне,
Илем куанен.
Какшан сер воктене
Шўм-чон ден канем.

Калыкшат пашазе
Марий Элыштем.
Улеш пеш полмезе
Рвезе тукумем.

Тек Марий Элемже
Сылнештын кушкеш!
Да мемнан чоннаже
Куан ден темеш.

*Валерия АНТОЊОВА.
Морко, Нуж-Ключ.*



Марий Элем

Йўратыме Марий Элем,
Шўмбел, сўрал Марий кундем!
Тый лишыл, шерге пеш улат,
Авамла мыланем кўлат.

Эн сылне Марий кундемем,
Ах, ший вўдан Какшан серем,
Ужар сывынан чодырам!
Савыреда чонем чылан.

Пасушко лек я чодыраш –
Кайык йўк йонга тораш.
Чоным почын каласем:
«Йўратем, шочмо верем!»

*Надежда ГОДУЊОВА.
Йошкар-Ола.*



Тый, пошкырт эл, улат мландем!

Тый, Пошкырт эл – мотор мландем,
Кожлат, нуретым йөрәтем.
Поян улат, ю кундемем,
Мый тый денет чот кугешнем.
Нуретше тыйын ток киндан,
Кожлатше понгылан поян.
Эртак мый пеленет лиям,
Башкирий, шочмо чон шепкам!

Снежана ВЛАСЕНКО.

Мый тыйым йөрәтем, о шочмо вер!
Тўняште икте тый тыгай чевер!
Ончен Уралым, кўш мый чонештем,
Волен, я воштылам, я магырем!..
Энер-влакетше лын! Чылан мотор!
Пасу, кожла – йомакысе вершөр!
Эн якте кече ўмбалнет йолга,
Муэш пиалым тыште ен, чолга!
Пеледышлан мландет поян,

пеш сай,

А шке улат йоратыме – мўй гай.
Обижаяш мый ом пу нигёлан,
Тый илышем улат, Башкортостан!

Любовь БЕЛЯЕВА.

Рушла гыч

Анатолий ТИМИРКАЕВ кусарен.

Чеверын, шөртнью шыже!

Уремыште ночно шыже оза-
лана. Пакчам, пасум курал
пыштыме. Кайык-влак шокшо
элыш чонештат. Кече эре кўчы-
кемеш, а йўд кужемеш. Мардеж
йўштын пуалеш. Коклан йўр дене
пырля лум йога. Эрдене да касте-
не йўштырак. Йўдым лакрылаште
вўд иянеш. Шыже пагыт эркрын
чеверласаш ямдылалтеш.

Роман КОРНЕВ.

Татарстан, Агрыз, Буймо.



Сылнымут тўняшке

«Ой, книга, книга! Чылажымат
тый кертат...» Марий сылнымут-
лан негызым пыштыше С.Г.Ча-
вайн тыге арам огыл возен. Книга
уш-акылым пойдара, тўняумылы-
машым кумданда, шонаш тарата,
кунамже чонымат лыпландара.
«ВКонтакте» соцкылыште «Мар-
ла лудына» марафон кумшо гана
эртаралтын. Тушко изижат-кугу-
жат ушненят. Теве Башкортостан
Республик Балтач район Ёлыл
Йыванай школышто 5-ше клас-
сыште тунемше-влак марий кни-
гам классыште тўшкан лудыныт
(снимкыште). Нуным директорын
воспитаний паша шотышто совет-
никше Н.А.Беляева кумыланден.

– Тений школыштына шай-
муратовский классым почын-
на. Тыгайже мемнан респуб-
ликуште веле уло. Ты класс
Россий Федерацийын герой-
жо, генерал-майор Минигали
Шаймуратовын лўмжым ну-
малеш. Ты классыште тунем-
ше-шамычым Шочмо элым
йораташ, кеч-могай аланыште
чолга лияш, элын тўвыражым,
йўлажым, эртыме корныжым
палаш да пагалаш утларак ту-
ныктена, сарзе паша дене пал-

дарена. 5-ше классыш коштышо
ўдыр-рвезе-влак чолга, марий
шўлышан улыт. Мый марий кни-
гам изинек лудын кушынам.
Йоча-шамычымат марий произ-
веденийлан шўмандыман манын,
марафоныш ушнаш кумыланде-
нам. Икмыяр произведенийым
темленам. Йоча-шамыч Ни-
кандр Лекайнын «Кўртнью вий»
романжым ойыренят. Икмыше
кечын шке лудынам, вара кни-
гам черет дене шергалаш тўна-
лынна. Тыге кажне кечын урок
деч вара ик жаплан сылны-
мут тўняшке кусенна, – оила
Надежда Аркадьевна.

Йоча-влаккан ожнысо илыш нер-
ген лудаш пеш келшен, шкенышт
дене танастаренят, лончыленят.
Икте-весе коклаштышт диалект
шомакым кучылт мутланат гын,
сылнымутан произведенийым лу-
дын, марла яндарынак кутыраш
тунемыт, йылыштым лывыртат.

Ўдыр-рвезе-влак марафоныш
тўшкан ушнымышт дене ойыр-
темалтыныт. Нунылан «Ямде
лий» газет деч пөлек – элек-
трон подписке.

Христина АЛЕКСАНДРОВА.
Фотом школ архив гыч налме.

Петкелга

Легенде

Тиде шукерте ожно лийын.
Икана Кадрекыш вес ял гыч ма-
рий толын. Келге коремым вон-
чашыже логалын. Тудын вашта-
решыже изи йоча ошкеден. Йот
еным ужынат, чарнен шогалын.
Марийым тўткын эскерен. Вес
ял марий коремым вончышыж-
ла тыге ойлен: «Ой-ой, корем-
же пеш келге улмашыс». Икшы-
ве мөнгышкыжө миенат, толшо

еным ужмыжо, мом ойлымыжо
нерген каласкален. Но изи йоча
«пеш келге» олмеш «пет келга»
манын ойлен. Тышечын коре-
мын лўмжө лектын: Петкелга.
Кызытат ты корем тугаяк келге.
Шошым тале вўд йога. Йоча-ша-
мыч корем серыште модаш пеш
йоратат.

Семён ИШКАТОВ.
Татарстан, Агрыз, Кадрек.



Изи Поч

Илен улмаш Изи
Поч лўман рывыж.
Поро кумылан ли-
йын гынат,
чодыраш-
те илы-
ше янлык-
влак тудын

дене кутырен огытыл: шоячылан шотленыт. Икана мотор кенез кечын шоныдымын-вучыдымын тале йўр тўнале. Изи Почат йўр деч шыле, пыжашыштыже шкет шинча.

– Поро кече, – шоктыш ала-көн йўкшө.

– Салам лийже, – лўдмыжым сенен вашештыш Изи Поч.

– Мый дечем ит лўд, мый тыланет осалым ом ыште.

– А мый тый дечет йөршеш ом лўд, – чоялана Изи Поч.

– Тыйын лўдмет чытырымет гыч пале, – туран шокта йўк.

– Тыште пычкемышыс, тый кузе ужат? – Изи Поч йўкым паленак налнеже.

– А мый шижам.

– Тугеже кө улметым палдаре.

Изи Поч ончылно кугу упшым упшалше изи ен койылалтыш.

– Тый кө улат?

– Мый юзо понго улам, теве тыланет полшынем.

– Мыланем полыш огеш кўл, – торешлана рывыж.

– Мый тыйын ойгетым палем, Изи Поч, – ойла юзо понго. – Тый вет чодыра-се янлык-влак дене келшен илынет. Кугезет-шамыч гай ынет лий.

– Чыным ойлет. Мый сай да поро улам. Чыла дене келшен илынем.

– Тыге гына ойлымо шагал. Поро пашам ыштыман, неле годым полшыман. Кызытсе жапыште шомаклан шагалын ўшанат. А тыйын родет-влак пеш чоя лийыныт. Тидым шке-жат сайын палет, – радамла изи ен.

– Мыланна тыге пўралтын, – манеш Изи Поч.

Юзо понго нимом ыш вашеште. Кузе пыжашыш толын, тугак ышшт йомо.

Тале йўр чарныш. Рывыж шке пыжашыж гыч лекташ тўнале. Кенета чодыраште полшаш йодын ўжым кольцо. Лўдмет-мочет, Изи Поч пикшла чымалте. Кугу вынемыште меран кия.

– Лекташ полшо! – сөрвала меран.

– Вучалте, – мане Изи Поч да кудале. Меран янлыкын мутшылан ыш ўшане. «Тудо чоя янлык», – шоналтыш семынже.

Икмыняр жап гыч Изи Поч кугу укшым шўдырен тольо. Мерагым вынем гыч утарыш. Шкеже моткоч йывыртен, вет тудат поро пашам ыштыш, чонланат сай.

Вес кечын ты уверым чыла янлык пален нале. Тидеч вара нуно Изи Поч дене келшаш тўналыч: пырля модыт, унала коштыт. Ынде палат: неле-йөсө годым Изи Почлан энерташ лиеш.

Полина АЛЕКСЕЕВА.

Морко, Коркатово.



Кари ден Ес

Иленыт улмаш изак-шоляк Кари ден Ес. Нуно Петян умшаштыже пўртым чоненыт, шахтёр лийыныт. Кари чōгыт дене пўйым перкален, рож-влакым ыштылаш йōратен. Ес ты рожлам шымлаш кумылан лийын. Икана ты сомылым шуктымашт годым йўк-йўаным колыныт. Тиде пўй эмлыше врачын кидыштыже пўсō ўзгар ызген.

– Тыште паша я-я-ятыр, – ойлен врач.

Кари ден Ес пеш лўдыныт да Петян ик пўйжō пелен пызнен шинчыныт.

– Тыште мемнан суртна! Кайыза тышеч! – кычкыренит.

Врач туманлы-мым шотыш на-лын огыл. Умшашке Пломби лўман ош рвезым илаш пуртен.

Пломби поро кумылан лийын. Тудо Кари ден Есым чўчкыдын ондалын. Тыгай

койыш изак-шоляклан йōршеш келшен огыл. Нуно, Петян умшажым коден, вес илемым кычаш касныт. Ик вер гыч весыш мыняр жап перныл коштыныт – каласаш йōсō. Носныт, кылменит, шуженыт. Икана каваште камвочшо шўдырым шекланымек, айдемыш савыр-наш йодыныт. Шонымышт шукталтын. Кызыт Кари ден Ес тыглай шахтыште пашам ыштат. Шергакан кў-влакым кычалыт.

София ЗАГАЙНОВА.

Йошкар-Ола, 14-ше номеран гимназий.

Авторын сўретше.



Ур деч пōлек



йолташыже-влаклан пōлеклаш

шонен пыштен.



ушештарыше



кугу

пылышан



кучыктен.



гай койшо

изи



лач лийын.



келшыше



ужар

тўсан



гай.

Ур шкаланже



коден. Янлык молан

лач ты тўсаным ойырен?



Йоча-влак дене, пӱгыльмым, пӱкшым, тумлегым, лышташым, пакчасаскам да моным кучыл-тын, онгай композицийым ыштыза. «Шыже ончерым» келыштарыза.




Полина КОРОТКОВАН
«Вуверкува» пашаже.
Медведевысе 6-шо номеран
«Онгыр» йочасад.

• Писылудым •

Шонго шоншо, шокшо шӱ-рым шолто.

• Могай пакчасаска онгым ушештара? •



Йырвелым шымлена

Шыже – моткоч сылне пагыт. Изи йоча-влак дене пӱртӱсын вашталтмышым эскераш – эн сай жап. Тидым уремыште лийме годым ышташ йӱнан. Воспитатель икшыве-шамычлан лышташын молан тӱс-шым вашталтмыше, пушенге гыч молан йогымыжо нерген умылтара. Кече кӱчыкеммын амалжым ойла. Кушкыл, янлык-влакын телылан ямдылалтмышт нерген палдара. Тӱрлӱ пӱртӱс явленийым умылтара.

Уремыште лийме годым пашаланат кумыландат, а эн тӱнжӱ – модаш тунуктат.

• Айста модына •

Вӱдышӱ йочалан лышташым ончыкта. Тудо модмо кумдыкышто кушшо тиде пушенгым мушаш. Лишемшаш да могай пушенгын лышташыже улмым каласышаш.

• Сӱретым ончен, шыже нерген кӱчык ойлымашым шоныза. •



• Йомакым пырля лудса да пыл, йӱр, тӱтыра нерген мутланыза. •

Шыже пыл молан шортеш?

Йомак

Илен улмаш каваште Чӱчалтыш лӱман изи пыл. Тудо поро да кумылзак лийын, тудым чыланат йӱратенит. Кенжежым Чӱчалтыш мландым леве йӱр дене куандарен. Но шыже толын шуын. Пушенгылаште лышташ-влак шӱртнялге да йошкар тӱс-ым налыныт, юж юалген. Пыл-влак шӱлыкагыныт да чӱчкыдын шортыныт. Тидым Чӱчалтыш шижин.

– Молан шортыда? Вет шыже пеш мотор пагыт! – йолташыже-влакын кумылыштым нӱлта-лаш тыршен изи пыл.

Лаштыкым Медведево посёлкысо 6-шо номеран «Онгыр» йочам вияндыме рӱдерын кугурак воспитательже Ольга Валерьевна КАЗАНЦЕВА ямдылен.



• Пырля тунемына •

Йоча-влак дене тӱшкан тунемаш келшыше почеламут.

Теле але шыже,
Шошо ма кенжеж –
Шочмо кундемемым
Йӱратем мый пеш.

Шыже кече, поро кече,
Ой, моткоч поян улат!
Шуко тӱрлӱ костенечым
Тый кушечын конденат?

Пушенгым пале

Тыгодымак пушенге-влакын икте-весе деч мо дене ойыртемалтмыштым: формо, тӱс, йытыр кӱжгыт – рашемдаш лиеш. Тыгай модыш йочан тӱткылыкшым ви-янда да лончылаш тунукта.

– Вашке теле толеш, – пыл-влак вашештеныт, – мландым лум леведеш, шинчавӱдна лум пырчыш савырна.

– Те араман ида ойгыро. Айста ме пӱртӱслан телылан ямдылалташыже полиаш тӱналына! Шинчавӱдна мландым йӱкта, шудым леведеш да янлык-влаклан шапашым ышташ полиша, – темлен Чӱчалтыш.

Тыгай шонымаш чылакан келшен. Тылеч вара шыже пыл-влак йӱрым ойгырымышт дене огыл кондат, а пӱртӱс верч шинчавӱдыштым йоктарат.

Түран ош тувыр




Марий авам, марий ачам,
Мый шкежат марий улам.
Марий улам, марла ойлем,
Түран ош тувырым чиём.

Вуеым шовыч леведеш,
Онем аршаш ден йылгыжеш.
Ош лудо ешым арала,
Ал кече илышым пуа.

Суртвольык, янлык, түрлө кайык
Онем, чонем оролышт сайын!
– Мотор, чевер, ах, тувырем!
Мый кугешнен, моктен ойлем!
Марина ЩЕРБАКОВА.
Йошкар-Ола.
Снимкыште: Варвара Щербакова
ден Юлия Воронцова.
Авторын фотожо.

Электротулым аныктыза

Чын корно де-не касн, буква-влакым погы-меке, лампычке чўкталтеш. Буква-влак гыч могай муткылдыш шочеш?



Тусто

- ✓ Вич пөлем, кажныжын шке озаже уло.
- ✓ Йошкар упшым упшалын, мланде йымач лектеш.
- ✓ Латкок изак-шоляк почела каят, икте-весыштым поктен огыт шу.



4 ноябрь – Калык-влакын икоян улмо кечышт. 1612 ий ты кечын князь Дмитрий Пожарскийын вуйлатымыш почеш калык ополчений Моско олам вес элла гыч толшо тушман-шамыч деч утарен.

1943 ий 6 ноябрьыште совет войска Киевым фашист тұшка деч утарен.



Виктория КУДРЯШОВАН сўретше.
Марко, Коркатова.

Шўлыкан жап

Уремыште шўлыкан шыже озала-на. Йырым-йыр сур түс, кече юггунам гына пыл кокла гыч ончалеш, чўчкыдын йўр йўреш. Кайык-влак шокшо элыш чонештат. Пакчаште саскам поген налме. Тудат шўлыкын коеш. Туге гынат шыжым йўратем. Тиде пагыт понгылан поян. Тений мыят шуко погенам. Понго гыч икрам, солянком, салатым ямдыленна. Кажне пагытын шке сўраллыкше уло.

Петя ЦУРКАН.
Волжский, Пётъял школ пеленысе
Йоча ұсталык пўрт.

МАРИЙ ЭЛ РЕСПУБЛИКАСЫН ТУВЫРА, ПЕЧАТЪ ДА КАЛЫК-ВЛАКЫН ШОТЫШТО МИНИСТЕРСТЫН		Ноябрь	
№	Кылме	Автор	Регистратор
1	КАЧЕ ПАЗАР	М. Калык	М. Калык
4	СПАСТИ КАМЕР-ЮНКЕРА ПУШКИНА	М. Калык	М. Калык
7	АВА КАПИТАЛ	М. Калык	М. Калык
8	КОЛУМБ	М. Калык	М. Калык
9	СЕРЕБРЯНАЯ ПАМПАЛЧЕ	М. Калык	М. Калык
13	ВСЕОБЪЕМЛЮЩЕ	М. Калык	М. Калык
14	САРА КАДЫНЧЕШОК ПАЗАР	М. Калык	М. Калык
15	КОРОЛЬ ЛИР	М. Калык	М. Калык
16	МАСТЕР И МАГАРИТА	М. Калык	М. Калык
17	ДЕВУШКА-БОГАТЫР КЫДААН	М. Калык	М. Калык
20	ЭТНО КАВКАЗ: ТРАДИЦИИ В ДВИЖЕНИИ	М. Калык	М. Калык
22	БАВАЙ	М. Калык	М. Калык
23	БОГАТЫР ИЗ ТЕСТА	М. Калык	М. Калык
27	КАЧЕ ПАЗАР	М. Калык	М. Калык
29	ЗАПИСКИ ЮНОГО ВРАЧА	М. Калык	М. Калык
30	ВОЖДЬ КРАСНОКОЖИХ	М. Калык	М. Калык
30	ЗАПИСКИ ЮНОГО ВРАЧА	М. Калык	М. Калык



0+

Марий Эл Республикасы
«Марий Эл»
увер агентстве» КАУ.
Директор –
Е.И.КУЗНЕЦОВ.
Тўн редактор –
А.Н.ГРИГОРЬЕВА.

Индекс П4696.
Тираж 1550 экз.
Заказ
Формат – А-4-8.

Учредитель-влак:
Марий Эл Республикасы Тўвара,
печатъ да калык-влакын пашашт
шотышто министерстве,
Марий Эл Республикасы
«Марий Эл» увер агентстве» КАУ.

Редакций да издатель: Марий Эл
Республикасы «Марий Эл»
увер агентстве» КАУ,
424006, Йошкар-Ола,
СССР Вооружённый Вийын 70-ше
идалькыш урем, 20-шо пўрт.
Тел. 8(8362) 45-22-82.

Газетым редакцийыште
погымо да верстатлыме,
«Марий Эл Республикасы
Правительствын
типографийже» ООО-што
ямде оригинал-макет гыч
савыктыме.
Типографийын адресше:
424000, Йошкар-Ола,
Комсомольский урем, 112.

Печатьыш пуйымо жап –
14-00, фактически – 13-00.

Авторын да редакцийын
шонымашышт түрлө лийын кертят.
Серыш-влак мўнгеш огыт колталт.
Ак – кутырен келшыме почеш.

https://vk.com/yamde_lii
<https://t.me/yamdelii>
yamde_lii@mail.ru
yamdelii@mediamari.ru
(автор-влаклан)
Сайтын адресше: ямделий.рф

У конкурс



Ульяна СТЕПАНОВА.
Звенигово, Чакмарий.


Уста акам

Ульяна акам (снимкыште) дене ку-гешнем. Тудо 9-ше классыште «4» ден «5»-лан тунемеш. Музыкальный шко-лым тунем пытарен. Кўсле дене шокта, «Юлавий» ансамблыште, Всемарийский йоча хорышто мура. Тўрлў конкурсышто мастарлыкшым терга: эре гаяк сеныше радамышке лектеш. Кўсле ансамбль дене Москошто, Одо кундемыште да моло вереат лийын. Акамын почеламутым лудмыжым эре колыштмо шуэш. Тудо моткоч поро, шыма ўдыр. Мыланна, кок шолыжлан да шўжаржылан, сай энгер-тыш. Мўнгыштў ача-авалан чыла пашам ышташ полша. Ковалан – поро йолташ. Ме тудым чылан йўратена. Йолташы-же-влак пагалат.

Миша СТЕПАНОВ.
Звенигово, Чакмарий.




Алина ПЕТРОВА.
Советский, Нўлпер.



ЯРАНЦЕВМЫТ ет.
Волжский, Памар.

Шотлыза.



Агытанлан, меранлан да мўкшлан келыше кочкыш марте миен шуаш полшыза.

